

Abonnement pour un an
300 piastres

Edition spéciale 500-piastres

Adresse:

"IDJTIHAD", Constantinople

Téléph. St. 865

XXIème ANNÉE

1 Octbre. 1925 — No 189

اجتهاد

فلسفی ، اجتماعی ، ادبی ، اقتصادی مجموعہ

آبوتمان : سنہ لکی [۲۴ نسخہ]
تورکیا ایچون ۲ ، خارج ایچون
۳ ، اعلا کاغذلسی ہ ایرادر .

ادارہ خانہ سی :

جفال اوغٹلندہ « اجتهاد نھوی »

تلفون : استانبول ۸۶۵

یکرمی برنجی سنہ

نومرو ۱۸۹ — ۱ تشر اول ۱۹۲۵



مأموریت خاطرہ لری

۱۱

دہ آفاج

بحریہ نظارتک متناقض ایکی تبلیغی

اساطیرہ ، آثار عتیقہ ، ادیان قدیمہ متعلق ہر ہانکی کتاب اوقونسہ مطلقاً سادیرک اٹھسندن بحث ایدلہبکی ایچون بو آٹھینی کورمہکی چوق آرزو ایدردم . والی معاونیکلہ ادرنیہ مواصامتدن برآز صوکرا مابین باشکتابتندن کلن شیفرہ بر تلغرافنامہدہ آمہریقا اغنیاسندن اسمنی تخطیر ایدہمدیکم بز ذات کندی واپوری ایلہ مع عائلہ سادیرک آٹھسنی زیارت ایدہجکاری سفارتدن افادہ وحکومتجہ تسللانیہ مظہریتلری التماس اولندیفندن پولیس قومیسرلرندن وسائرہدن لسانہ آشنہ بر ایکی ذاتک سیویل قیافتدہ سادیرک کوندریلہرک ہم سیاحتلریک تسہیل ہمہدہ حال وحرکتلریک تفحص ایدلسی امر اولنیوردی .

بو آٹھ اولجہ جزائر بحر سفید ولایتہ تابع ایدی .

— اخیراً دہ آفاجہ الحاق ایدلہبکی بیامہ یوردم .

پولیس قومیسری یرینہ بنی کوندرومنی والی عبدالرحمن پاشا مرحومدن رجا ایتدم .

« آمہریقایلر بیامہلر بیلہ قوص قوجہ بر والی معاونی بویلہ بو وظیفہ ایلہ بر طرفہ کوندریلہمز » دیدی .

دہدہ آفاجہ مواصامتدن اعتباراً بو آٹھیہ کیتک بنم ایچون بر فکر ثابت حالی آلدی .

فقط دہ آفاجہ کلوب کیدن ، واپورلر دن هیچ بری اورایہ اوغرامادیغی و « آڑہ » دہ کزینک فورتنہسی پک ناگھظہور اولقلہ برابر ہان دائما متلاطم بولندیغی ایچون اون بش میل مسافہدہکی سادیرک قایقلہ گیتک تہلکلی وقاج کوندہ کیدیلوب کلنہ بیلہ چکی دہ مجھول اولدیفندن یوکاجسارت ایدہمہ یوردم . ناحیہ حالندہ ادارہ اولنان بو آٹھ کوزومزک اوکندہ بولندیغی خالدہ آمہریقادن اوزاقادی . مدیر ایلہ آیلرجہ مخبرہ ایدہمدیکمز زمانلر اولیوردی .

اورایہ واپور اوغراماسی یالکز حکومت اموری ایچون مشکلات دکل اہالی محلہ نک زیتون ، الما ، ارمودگیی میندول میومہلری وسائر محصولات و وقت وزمانیلہ نقل ایدیلہ مسندن دولای پک چوق ضایعاتی موجب اولیوردی . بعضی کتابلردہ بالتصادف سادیرک متعلق او قودیم شہلرک پک آرز ، پک نقصان اولدیغی دہ آفاجہدہ بو آٹھینی کورلر دن ایشدیکم تفصیلاتدن آکلادجہ آٹھینی کورمک اشتیاقی کوندن کونہ آرتیوردی .

از جملہ « سادیرک مظفریتی » نامیلہ مشہور و پارمک لوور موزہ سندہکی آثار نفیسہ نک اک قیمتیلرندن مددود اولان استاتو وویانہ موزہ سندہکی برچوق ہیا کل معروفہ نک بو آٹھدن چالینوب کوتورلیدیکنی ویالکز آثار عتیقہ سیلہ دکل مناظر لطیفہ سنک ومختلف درجہ حرارتدہ صیجاق معدن صولرینک مبدولیتیلہدہ کورلمکہ لایق اولدیغی اوکرندم .

سلانیک وددہ آفاجہ کلوب کیدن عثمانلی واپورلر دن برینک اون بش کوندہ بر دفعہ اولسون سادیرک آٹھسنہ اوغراماسی حکومت و اہالیجہ موجب محسنات اولاجغی دلائل کافیہ سردیلہ ولایتہ عرض ایتدم . ولایتجہ دہ موافق کوریلہرک بو بابدہکی عریضہم بحریہ نظارتنہ گوندلرش .

نظارت مذکورہدن ولایتہ کلوب تبلیغ اولنان تحریرات جوابہدہ « دہ آفاج متصرفلرک اشبو تحریراتی لدی المطالعہ سادیرک آٹھسنہ واپور اوغرامتقدہ دائرہ بحریہجہ بر کونہ لزوم و اہمیت کوریلہمہ مشدر .. » دینیوردی .

برمدت قلیلہ صوکرا داخلہ نظارتک ولایتدن تبلیغ اولنان تحریراتندہ مرمرہدہکی خیرسز آٹھ جوارندہ یریلکن سفینہ سندن باروت صائقدہ اولدیغی خیر آلنہرق دردست اولندیفندن بالعموم سواجلجہ قیداتک تشدید امر اولنیوردی .

استانبول قربندہکی خیرسز آٹھ جوارندہ باروت صائقہ جرأت ایدن یلکن سفینہلریک سادیرک کبی بری ، بحری ہر درلو ترصد و تقیشدن محروم اولان سادیرک اشیا ممنوعہدن ہر شی چیقارہ بیلہ جکارندن وبالخاصہ ایام شتادہ آیلرجہ مواردہ منقطع اولدیغی ایچون ناحیہ مدیریتہ ایصال وصایاہ بیلہ امکان بولنہمادیفندن ، خلاصہ سادیرک آٹھسی بو کبی ممنوعات ایچون بر دہ بحالندہ اولوب اورادن فرصت بولدجہ سواحل متجاورہیہ اخراج ایدہ بیلہ جکارندن بحث ایلہ بو حوالی ساحلرینی و مذکور آٹھینی صورت مقامیدہدہ ترصد ایتک اوزرہ بر واپور تعینی ویا سادیرک منتظماً بر واپور اوغراماسی حقندہ جالب دقت تعبیرات ایلہ یازدیم جواب ینہ بحریہ نظارتنہ گیتمش .

بونک اوزرینہ ینہ او دائرہ بحریہدن یازیلوب تبلیغ اولنان قرار شوبلہدر :

« دہ آفاج متصرفلرک اشبو تحریراتی لدی المطالعہ سادیرک آٹھسنہ واپور اوغرامتقدہکی لزوم و اہمیت دائرہ بحریہجہ ذاتاً مسلم اولدیفندن سریع السیر بر واپور اعزازی قلعہ سلطانیہ قومودورلغہ تبلیغ اولنمشدر . » ذیلدیکی خالدہ ولو بردفعہ و بطی السیر اولسون واپور کلہ مشدر . بحریہ نظارتک بومضحک ومتضاد جوابلرندن مایوس اولنجہ حاجی داوود واپورلرندن برینک سلانیکہ کیدرکن بزی سادیرک چیقارہرق بر ہفتہ صکرہ عودتندہ آلماسنہ مذکور قومپانیانک آجتنہسی ارضا ایدلمک صورتیلہ حاصل اولان امکاندن بالاستقادہ ۱۳۱۳ سنہسی ابولینک اون برنجی کونی سادیرکہ کیتدم . سادیرک بر چوق اسباب ومنزات ایلہ یالکز عثمانلی ایمپراطورلنی داخلندہ دہ کل بونون دنیادہ امثالی نادر بر آٹھدر .

عصرلرجہ ممالک عثمانیہ نک برجزء مقطوع ومتروکی خالدہ اہمال ایدلمش اولان بومہم آٹھدہ یر ہفتہ ظرفندہکی مشاہدات وتدقیقاتی بر مقالہ مخصوصہ ایلہ مختصر اعرض ایدہجکم .

ابوبکر حازم